

Hepar sulphuris.

Kali sulphuratum, Kalium sulphuratum D. 50.

(*Supersulphuretum kalicum Sv. 45. Persulphuretum kalicum N. 54*).

Svovllever.

R. Sulphuris sublimati partem unam;..... 1
misceatur

Carbonatis kalici depurati partibus duabus..... 2.

Mixtura in cacabum ferreum tectum immittatur et calore non nimis magno et aeqvabili calefiat, donec massa liqvefacta tranquille fluat, et portiuncula exempta paene limpide solvatur in Aqvae partibus duabus. Tum massa in mortarium ferreum frigidum effusa contundatur, et continuo immittatur in vasa siccata, in quibus probe obturatis servetur.

Sit colore e flavo fusco, postea subviridi; in Aqvae partibus duabus maxima ex parte solvatur. Solutio, Acido hydrochlorato addito, Gas Sulphidi hydrici evolvens, Sulphur copiose secernat.

Herba Absinthii.

Herba c. summitatibus Absinthii D. 50.

(*Absinthii Summitates florentes Sv. 45. Herba florens Artemisiae Absinthii N. 54*).

Malurt.

Artemisia Absinthium L.

Herba florens paniculata, inferioribus foliis cano-sericeis, bi-vel tripinnatifidis, laciniis ultimis spathulatis, superioribus indivisis; calathiis subglobosis, nutantibus, receptaculo villosa flosculisque parvis et subluteis instructis. Sapore est peramaro, odore gravi et aromatico.

Herba Absinthii maritimi.

Strandmalurt.

Artemisia maritima L.

Herba foliis bi-vel tripinnatifidis, laciniis linearibus et albo-tomentosis; odore citreo, sapore amaro-salvo.

Herba Aconiti.

(*Aconiti Folia Sv. 45. Folia Aconitorum N. 54*).

Stormhat.

Aconitum Napellus L.

Folia supra saturate viridia et nitida, infra pallidiora et digitato-palmatisecta; inferiora paene ad basin usque in quinque segmenta, superiora et breviora in tria segmenta fissa sunt; superiora rursus usque ad mediam partem in duo vel tria segmenta acute dentata, lineari-lanceolata sunt divisa. Flores sunt colore obscure violaceo, galea humili, hemisphaerica, in rostellum brevissimum elongata, interdum tamen rostellum abest. Folia sunt sapore subamaro et acri, fricata odore ingrato.

His mixtae et difficiles ad distingvendum sunt aliae Aconiti species, quarum flores colore sunt caeruleo, velut Aconitum Stoerkeanum Reichenb., foliis in segmenta latiora fassis, et Aconitum Cammarum Jacq., foliis minus incis, segmentis paene rhombicis minusque nitidis.

Herba Conii.

Herba Conii maculati s. Cicutae terrestris D. 50.

(*Conii Herba Sv. 45. Folia Conii maculati N. 54*).

Skarntyde.

Conium maculatum L.

Herba ubique glabra et nitidula, foliis tri-vel quadripinnatifidis, basi vaginantibus, laciniis ultimis ovalibus, incis, serratis, mucronulatis; odore peculiari et nauseoso.

Colligatur e plantis sua sponte crescentibus.

Herba Lobeliae.

Herba Lobeliae inflatae D. 50.
(*Herba florens Lobeliae inflatae N. 54*).

Lobeliae.

Lobelia inflata L.

Herba florens, caule infra simplice et hirsuto, supra ramificato et nudo, foliis alternis sessilibus, oblongo-lanceolatis, acutis, serratis, floribus parvis et supra racemosis, calice inflato, corolla caerulea et paene labiata; sapore initio debili, mox acri.

Ex America septentrionali fascies hujus herbae valde compressi et quadranguli varii ponderis ad nos advehuntur.

Herba Majoranae.

Merian.

Origanum Majorana L.

Herba florens caulibus crassioribus privata, caule pubescente, supra ramificato, foliis oppositis, spathulatis, integerrimis, e cano viridibus vel canis, utraqve superficie breviter et dense villosis, glandulosis. Capitula bracteis quadriseriatis, imbricatis, rotundatis, cano- et raro-tomentosis instructa sunt. Sapore et odore est peculiari et aromatico.

Herba Malvae.

Folia Malvae D. 50.
(*Malvae Folia Sv. 45. Folia Malvarum N. 54*).

Katost.

Malva silvestris L. Malva rotundifolia L. Malva vulgaris Fr.

Folia longe-petiolata, subrenata vel rotundo-cordata, utraqve superficie pubescentia, quinque — vel septemlobata, lobis

obtusis vel porrectis et serratis; manducata sapore sunt mucilaginoso. Flores sunt calice duplici, exteriore trisepalo et villosa, interiore quinquefido; petalae sunt roseae, lineis violaceis instructae, siccatae caeruleae.

Herba Meliloti.

(*Meliloti Herba cum Floribus Sv. 45. Herba florens Melilotorum N. 54*).

Meloten-Urt.

Melilotus officinalis Willd.

Rami floriferi, foliis ternatis, foliolis obovato-lanceolatis, supra subserratis, corolla papilionacea, parva, lutea; odore peculiari et fragranti.

Herba Millefolii.

Folia et Flores Millefolii D. 50.

(*Millefolii Summitates florentes Sv. 45*).

Rollike.

Achillea Millefolium L.

Folia ambitu lanceolata, bipinnatifida, petiolis et nervis infra villosis, lobis brevissimis, lanceolatis, acuminatis, echinatis, infra glandulosis, sapore amaro. Inflorescentia est corymbus calathiis ovoideis, periclinium ex bracteis imbricatis et oblongis constat, receptaculum obsitum est squamis oblongis, quindecim vel viginti floribus discalibus hermaphroditis, quinque floribus radialibus femineis, lingulis suborbicularibus, obtuse tridentatis, albis vel subrubris ornatis. Sapore sunt amaro et subacri, odore subaromatico.

Herba Origani.

Herba Origani vulgaris D. 50.

(*Herba florens Origani vulgaris N. 54*).

Vild Merian.

Origanum vulgare L.

Herba florens, caule quadrato, foliis oppositis, ovatis, pilosis, pellucidis, glanduloso-punctatis, floribus densis et in corymbum terminalem dispositis, bracteis adpressis, quadrifariam imbricatis, ovatis, apice violaceis, corolla labiata, odore fragranti, sapore subamaro.

Herba Veronicae.

Ærenpris.

Veronica officinalis L.

Herba florens, caule repente, paullatim adscendente, undiqve pubescente, foliis oppositis, breviter petiolatis, ovato-oblongis, serratis, pubescentibus, floribus parvis, rotatis, subcaeruleis, venis rubris instructis; sapore subamaro et subadstringenti.

Herba Violae tricoloris.

Herba Jaceae D. 50.

(*Violae tricoloris* *Herba cum Floribus* Sv. 45. *Herba florens Violae tricoloris* N. 54).

Stedmodersblomst.

Viola tricolor L.

Herba florens, caule angulato et ramificato, foliis sparsis, petiolatis, oblongis, crispis, foliolis lyratis, petiolo longioribus, floribus axillaribus, longe pedunculatis, corolla labiosa, calcarata, bicolori, tricolori vel flavescenti; manducata os leviter urit et sapore est subamaro.

Hirudo.

Sangvisuga D. 50.

(*Hirudines* Sv 45).

Blodigle.

Sangvisuga medicinalis Savigny et *Sangvisuga officinalis* Savigny.

Prior species, quae „cana“ vocatur, tactu granuloso-sabra est, superne olivacea, lineis sex laete ferrugineis, nigro-punctatis, infra e subviridi flava, maculis et marginibus nigris. Altera species, quae „viridis“ vocatur, tactu levis est, superne subviridis vel e nigro viridis, lineis sex, in longitudinem porrectis, ferrugineis, nigro-punctatis, infra olivacea, immaculata, utrinque nigra linea laterali praedita.

Hirudines ad sugendum antea adhibitae rejiciendae sunt.

Hydrargyrum.

Hydrargyrum depuratum D. 50.

(*Hydrargyrum destillatum Sv. 45. Hydrargyrum N. 54.*)

Renset Qvægsolv.

R. Hydrargyri venalis partes viginti quinque, 25
 Acidi nitrici, 1
 Aqvae destillatae, singulorum partem unam, 1

in lagenam firmam immissae inter quassationem saepius repetitam per tres dies digerantur. Hydrargyrum a liqvore innatanti separetur, deinde Aqva destillata abluatur et in balneo aquae plane siccetur.

Sit metallum liqvidum, admodum splendidum, mobilissimum, in Acido nitrico plane solvatur. Haec solutio ad siccitatem evaporata, ignita sine residuo avolet.

Hydrargyrum venale.

Mercurius vivus D. 50.

(*Hydrargyrum vel Mercurius Sv. 45.*)

Qvægsolv.

Metallum liqvidum, mobilissimum, splendidum.

Hydras kalicus.

Kali causticum fusum, Lapis causticus D. 50.
(Hydras kalicus Sv. 45. Hydras kalicus fusus N. 54).

Kaustisk Kali, Ætssten.

℞. Solutionis Hydratis kalici recens paratae, q. v.
 in patinam argenteam immisum igne fortiore evaporetur, donec
 massa ex rubro candescens tamquam Oleum tranqville fluat.
 Deinde modulis ferreis aptis in bacilla formetur; bacilla re-
 frigerata in vas vitreum probe siccatum statim immittantur, in
 quo diligenter clauso serventur.

Sint bacilla alba vel ex albo cinerea, sicca, caustica,
 fractura crystallina; ex aëre humorem attrahant; in Aqvae
 partibus duabus limpide solvantur. Solutio cum quadruplici
 volumine Spiritus alcoholisati mixta sedimentum perparvum
 praebeat.

Hydratocarbonas ferrosus saccharatus.

Ferrum subcarbonicum saccharatum D. 50.

Kulsurt Jernforilte med Sukker.

℞. Sulphatis ferrosi partes quattuor; 4
 solvantur in

Aqvae destillatae bullientis partibus quindecim. 15
 et infundantur in lagenam satis amplam, qvae contineat

Bicarbonatis natrici partes tres, 3
 in Aqvae destillatae bullientis partibus quadraginta . . . 40
 solutas. Liqvoribus probe commixtis, pars lagenae inanis
 Aqva destillata bullienti repleatur, deinde lagena obturetur et
 seponatur. Postquam partes turbantes subsederunt, liqvor su-
 pernatans siphone detrahatur, deinde lagena Aqva destillata
 bullienti iterum repleatur. Haec operatio tamdiu repetatur,
 donec Aqva siphone detracta, addita Solutione Chloreti barici,
 vix turbetur. Tum puls tenuis, qvae in lagena inest, in vas
 porcellaneum,

Sacchari albi pulverati partes quattuor 4
 continens, immittatur; mixtura hac ratione parata ipse perpetuam agitationem in balneo aquae ad siccitatem evaporetur; residuum siccum, in pulverem contritum, in vase probe obturato servetur.

Sit pulvis e cinereo viridis; in Acido hydrochlorato diluto solvatur, Acidum carbonicum copiose evolvens. Solutio parata, Solutione Chlorethi barici addita, vix turbetur.

Hydratocarbonas magneticus.

Magnesia carbonica s. alba D. 50.

(*Sp. 45. Hydrato-Carbonas magneticus N. 54.*)

Let kulsur Magnesia.

Massa cohaerens, levissima, nivea, valde friabilis, in Aqua prorsus indissolubilis, in Acido nitrico cum maximo fervore solubilis. Haec solutio cum Solutione Chlorethi barici et Nitratis argentei praecipitatum parvum, cum Solutione Sulphidi hydrici praecipitatum nullum praebet; Solutione Ammoniaci neutralisata Solutione Oxalatis ammoniaci vix turbetur.

Hydratocarbonas plumbicus.

Cerussa alba D. 50.

(*Sp. 45. Hydrato-Carbonas plumbicus N. 54.*)

Blyhvidt.

Massa nivea, glebosa vel pulveri similis, digitos inquinans, in Aqua indissolubilis, sed in Acido acetico cum fervore plane solvatur. Solutio acetica, Solutione Sulphidi hydrici prorsus praecipitata, Solutione Carbonatis natrici ne turbetur.

Hypermanganas kalicus.

Manganoversurt Kali.

Crystalla tenuia, metallice splendentia, atropurpurea vel nigra, odoris expertia, sapore subdulci et adstringenti. In Aqvae partibus sedecim solvantur, Aqvam colore splendido et coccineo tingentia. Serventur in vase bene obturato.

Indigo.

Color indicus D. 50.

(Indigo vel Pigmentum indicum Sv. 45)

Indigo.

Indigoferae variae species.

Frusta irregularia vel quadrata, colore saturate caeruleo, fragilia, fractura aequalia et opaca, ungue fricata colore cuprino vel aureo nitentia, Aqva leviora. In Aqva, Spiritu, Aethere, Oleis solvi non possunt, in Acido sulphurico fumanti colore saturate caeruleo solvuntur; combusta ne nimis cineris relinquant.

Infusum Digitalis.

Fingerbolleblade-Infus.

℞. Foliorum Digitalis minutim concisorum partem
 unam; 1
 affundatur in vase tecto antea calefacto
 Aqvae communis bullientis q. s.
 ut post digestionem per quartam partem horae inter agitationem saepe repetitam, deinde colationem decantationemque
 partes centum 100
 efficiantur.
 Paretur ex tempore.